

EGAA YEROO KADHATTAN. . .

WWW.TENDAYSOFPRAAYER.ORG

GUY YAA 8^{FFAA} - KAN NU GA'U BUDEENA KEENYA HAR'AA BORII NUUF KENNI.

Gal. 6 ⁹ Yeroo isaatti humna utuu hin dhabin galfachuuf waan jirruuf, ammas kottaa wanta gaarii ta'e gochuutti hin laafnu! ¹⁰ Egaa akkuma fucha argannetti, kottaa nama hundumaaf, addumaan immoo warra amantii keessa jiraniif, gaarii in hojjenna!

Waaqayyo ni qopheessa.

Guyyaa tokko yeroo muraasa faayinaansii hojachuudhaan dabarseera. Kurnaffaa keenyafi, peersentii muraasa ergamaaf, warra rakkataniif, ergan addaan baasee booda kaffaltii hunda kaffalee kan kaffaltii mana barumsa ilma keenyaaf addaan baaseen ergan kaa'e booda, ji'oota hafaniif murasni qofti nyaataafi baasii biroof hafe. Yeron konkolaataa koo seene maallaqa kaffaltii barnootaa gara mana barumsaa geessuuf ka'etti rooba cimaatu rooba ture.

Utuman daandii gara mana barnootaatti seensisu irra ofaa jiruu, mucayyoo durbaa baay'ee gadditu tokkon arge. konkolaataa koo dhaabbadhee yommuun ihsee haasofsiisu, wanti isheen natti himte yoo jiraate dhi'o ji'a muraasa dura akka cuuphamteedha. Ni boossi turte.

Dhimmi kun maali? jedheen gaafadhe. Isheenis namoota baay'ee waliin cufamuu warshaa naannoo ihsee irraan kan ka'e hojii akka hinqabne natti himte. Isheen obbolaa xixiqqoo lama waliin kan jiraattu yommuu taatu, kiraa mana jireenyaa kaffaluu waan hindandeenyeef mana keessa jiraachaa turte keessati ari'amte. Akksumas amma waan nyaatanis kan hinqabane ta'uu isaanii naaf qoodde.

Anis ishee fuudhee gara suuqii tokkoo dhaquudhaan walakkaa kaffaltii barnootaaf fuudhee deemaa jiruun biteen nyaata gaarii/hoboloo irra guute. Osoon gara mana barnootaatti ishee deebisaa jiruu, nama isheen mana irraa kireeffatee jirtuuf bilbileen walakkaa waliigaltee isheetii akkan kaffaluuf nan kadhada. Abbaan qabeenyaa sunis walakkaa isa hafe isheedhaaf ni dhiiseef. Miseensota boordii Waldaas nan waame, isanis kaffaltii ibsaa kaffalaniif, akkasumas "Atis akkasuma gara mana keetti erga galtee nama gargaarsa barbaadu gargaariin ittiin jedhe" isheenis guddaa gammade.

Yeroon gara manaatti galee attam haala sanatti akkan xiyyeeffannoo itti laadhe haadha warraa kootti himu, baayyee gammachuudhaan guutamtee akkas jette, "Waaqayyo ni qopheessa" Waaree sana booda yeroon saanduqa poostaa kootii ilaalu, chekiin poostaadhaan haguugame jirun keessatti argadhe. Qarshichis hanga ani mucaa durbaa sana gargaaruudhaaf kaffaleef ture.

Waaqayyo hanga nuti ijjoolllee keenyaaf eeggannaa goonu caalmaatti eeggannaa nuuf godha. Inni budeenni keenya amansiisaa akka ta'e waadaa nuuf galeera. (Isa. 33, 16). Jechi "budeena keenya har'aa borii guyyuma guyyaan nuuf kenni" jedhu, Yesuus heertuu kanaan kan inni ibse ofii keenya qofaadhaaf kan gaafanu utuu hintaane, namoota naannoo keenya jiraniifis gaafachuu akka qabnuudha. Macaafinni qulqulluun keenya ibsee kan inni nutti dubbatu, akka ofii keenyaatti warra kan biroos jaallachuu akka qabnuudha. (Mar. 12, 31). Namoota kan biroofis kadhachuu qabna. Yaaqob 5:16. Ba'aa walii keessanii baadhaa akkasitiin abboomii Kiristoosiin ni raawwattuu. (Gal 6, 2). Ergamoonni jaarraa jalqabaa kana gochaa turan. Waan hojetan hundumaa tokkummaadhaan gochaa turan. (Ho. Er. 4, 32).

"Kadhannaan keenyaa ofittummaadhaan ta'uu hinqabu, fayidaa keenya qofaaf kadhachuu hinqabnu. Nuti laachuudhaaf gaafachuu qabna. Qajeelfaminni jireenya kiristoos qajeelfama jireenya keenyaa ta'uu qaba... utuu naannoo keenyaaf eebba hinta'in Waaqayyo biraa eebba fudhachuu hindandeenyu. (COL. 142-143).

Kadhannaan Gooftaa isa har'aa qofaadhaaf malee waa'ee nyata keenya isa boriif akka kadhannuuf nutti dubbachaa hinjiru. Mat. 6:34. Ijoolleen Israa'el lafa onaatti akka nyaataniif mannaan gyyaa guyyaatti isaaniif laatama ture S.B. 16:4. Waaqayyo waan boriif akka ati yaaddoftu hinbarbaadu. Har'aaf kadhadhu. Qooduudhaaf kadhadhu. Eebbas barbaadi. Duukabuutonni kiristoos lallabuun dura namoota naannoo isaanii jiraniif eebba ta'uudhaan jaalala waaqayyoof qaban agarsiisuu qabu.

Waaqayyo guyyaa murtiitti waldaa dhaquu keenya ykn waanta gaarii ta'e kan biraa gochuu keenya osoo hintaane, Ibroota 10:25, walga'is hirmaachuufi dhiisuu keenyas osoo hintaane, isa Maat. 25:31-45tti barreeffamee jiru nu gaafata. Waaqayyo ollaakeetiif akka kadhattuuf, akka jaallattuufi eebba naannookeetiif akka taatuuf siwaama.

Mee Waliin Hakadhannu.

Yeroo kadhannaa (Daqiiqaa 30–45)

Gareen kadhataa hundumtuu haala garagaraa itti waliin kadhata qabu. Daqiiqaa 30-45 itti aanee jiru kana keessatti akkaataa hafuuri qulqulluun isin qajeelcheen kadhata tokkummaadhaan akka isin qabaattaniif isin jajjabeessina. Kadhannaan haasawaa gabaabaa (hima 1-3) qabu ni jajjabeeffama. Kun akka namootni heeddun yeroo heedduu kadhataaniif gargaara. Armaan gaditti fakkenyotni muraasi karaa mata duree caaffata qulqulla'aa, kadhannaan muraasi dhiyaataniiru. Akkasumas karaa heertuu kan biros kadhachuu ni dandeessuu, kadhata keessan keessattis mata dureewwan kan biroos hammachiisuu ni dandeessu. Yaada kadhanna argachhuuf qajeelfama geggeessaafi gaaffii kadhannaa waldaa addunyaawaa ilaalaa.

Sagalee Waaqayyootiin kadhachuu 'Gal.6:9-10.

Gal. 6 ⁹ Yeroo isaatti humna utuu hin dhabin galfachuuf waan jirruuf, ammas kottaa wanta gaarii ta'e gochuutti hin laafnu! ¹⁰ Egaa akkuma fucha argannetti, kottaa nama hundumaaf, addumaan immoo warra amantii keessa jiraniif, gaarii in hojjenna!

Kottaa Waan Gaarii Gochuudhaaf Hindadhabnuu,...

Abbaa, yeroo tokko tokko tajaajilli nu dadhabsiisa. Nuti siin isa maddaa waan hundumaa ta'e dagachuudhaan Karooraa fi bu'aa irratti xiyyeeffanna. Adaraa ijakeenya gara keetti nuuf deebisi. Hafuura keenya nuuf haaressi, akkasumas jaalala kee isa dhuma hinqabne sana warra addunyaa kana irraa gargaarsa keenya barbaadaniif akka qabaanuuf nuuf kenni.

Yoo Abdii Kutachuudhaabaanneef Haammachuuf Jirra.

Gooftaa, guyyaan haamaa/makarii akka dhufu abdii nuuf kenniteef galatoomi. Warra kan biroo keessatti yeroo sanyii amantii dhaabnuuf bishaan obaafnu harka amantii nuuf kenni. Firiisaas siif dhiifneerra.

Namoota Hundumaaf Gaarii Gochuu.

Gooftaa, Carraa tajaajilaaf nuuf banamee jiru arguu akka dandeenyuuf ija isa kan keetii nuuf kenni. Attamitiin jaalala ijoollee keenyaatti, hidhata gaa'eelaa keenyaatti, ollaa keenyaatti, akkasumas miseensota waldaa keenyaatti ibsuu akka dandeenyu nu hubachiisi. Nuti garee maatii Gooftaa ta'uu keenyatti guddaa gammanna!

Yaadota kadhannaa Dabalataa.

Galataafi Hooqubaa: Eebba isaa addaatiifi gaarummaa isaatiif galateeffadhaa.

Cubbuu Himachuu: Daqiiqaa muraasaa qalbii jijjiirrannaa dhuunfaatiif itti fayyadamaatii dhiifama isiniif gochuu isaatiif immoo waaqayyoon galateeffadhaa.

Qajeelfama: Qom-qabaa keessa jirtuufi murtoowwan garaa garaatiif waaqayyoon ogummaa kadhadhu.

Waldaa Keenya: Fedhii naannooleefi addunyaatiif kadhadhu, (waraqaa xiqqoo gaaffii kadhannaa qabu ilaali)

Gaaffii Naannoo: Waanta amantootaaf amma barbaachisuuf, maatiifi oollaaf kadhadhu.

Dhaggeeffadhuutii Deebii Kenni: sagalee deebii waaqayyoo dhaggeeffadhuutti yeroo fudhadhuutii galataafi faarfannadhaan deebisi.

Yaada Farfannaa Dbalataa

Farfannaa Adv. Guyyaa 7ffaa: warra badan barbaaduu (373), Galata fiduu (369). Iddoo at akkan dhaqu barbaade ani nan dhaqa (573).

kan biro... harkasaa keessa jirra, kiristaana ta'uu keenya ni beeku; Dabarsaa